

Leonhard Culmann


**Tuchtmeister || Dorch Leonhardum Kul=||man/ den jungen Kin=||dern vörgstelt.||  
... ||**

Rostock: Dietz, Ludwig, 1551

<http://purl.uni-rostock.de/rosdok/ppn1688683852>

Druck Freier  Zugang





m  
4275

Fm - 4275.  
<R>

Unbekannte handschriftliche  
Handschriften. Die handschriftlichen  
Handschriften sind in Götze's  
Grundriss z. Gesch. d. Schriftk.  
Leipzig, 1857, S. 142, 39 gr.  
Sammlungsgesamt.



*[Faint, illegible handwritten text]*

*[Faint, illegible circular stamp]*

**S**uchtmeister  
Dorch Leonardum Kuls  
man / den jungen Kinde  
dern vorgestelt.

Köp my / O Vader / dynem Kinde /  
Dar ick vël guder lehr inn vinde.  
So werstu myner hebben prijs /  
Nyz vnd dar im ewigen Paradÿs.

Gedrucket tho Rostock dorch  
Ladowich Dietz.  
M. D. LI.



*Academia  
Rostochiensis*

*Academia  
Rostochiensis*

Johannes Cayner Refens  
meister / dem Leonardo Kulman  
van Chreyßheim / wünschet  
Heil van Gade.

**D**ewyle einen jungen  
Knaben nichts beth / denn  
Tucht vnde vtherlicke ge-  
berde gzyret vnde tho ehrent  
bringet / leue Leonarde / vnd wedderume  
einem Knaben nichtes ōuelers ansteit  
denn vntucht / dardorch he gantz versma-  
det vnde vör nicht gehalten wert / hebbe  
ick juwe Böckschen / welckeres gy my tho  
willen / vnd mynen kindern tho einer vn-  
derwysinge geschreuen hebben / drücken  
laten / darmede jdt ock andern dene / denn  
warlicken itzund de junge Werldt gantz  
spöttisch vnde versümelick vpgetagen  
wert / Also / wo gy süluest seggen / dat ock  
de Heiden vns in der Kindertucht / wyth  
vörghan / De schuld auerst ys der öldern  
van welcken Godt an dem jüngsten das  
ge / eine sware vnde erschreckliche refens-  
schop

seop-fordern wert. Dan Christus spreckt:  
Wol der Kinderken eins ergert/dem wes  
re idt beter / dat ein mölensteen an synem  
halse hengede / vnde lege im Meere/dar  
idt am depesten ys / Vnd an einem ande  
ren orde/ Het he de Kinder tho em vören/  
So vören se de öldern van Gade aff int  
de World/ in welcker de Düuel ein För  
ste ys. Tho lest höde sick iderman vör  
Gades rone/ hebbe achtunge vp syne kin  
der/ tehe se vp tho Gades ehre/ vnde tho  
nutt dem negesten/ spare der toden nicht/  
so se quadt don / vnde nicht volgen / so  
heffe he syne kinder leeff/ vnde erredder se  
vth des Düuels Rachen / Godt verlene  
syne gnade/dat idt geschee/Amen.

Wo ein Kind sick mit tucht/ gebeerde vnd  
ordeninge gegen iderman in all synem  
leuen holden schal.

**S** Hom aller ersten ehre Godt/vnd  
hebbe en leeff van herten/strüchte  
en in allen dingen/vnde hebbe en  
vör ogen/ lere de rein Gebade/in welcke  
ren du hörest wat Godt van dy fordert/  
nömeltick / de leue van reinem herten ge  
gen Godt vnd dem negesten/ Darna lere

A ij den



den Belouen / wo de allene vōr Godt sa-  
lich make / welckere dorch leue sicc allen  
mischen in allen guden wercken bewys-  
set. Tho lest / dat gebedt Vader vnse / in  
welckerem du biddest vnde begerest ( vp  
de thosegginge Christi / Allent wat gy  
mynen Hemmelschen vader bidden wer-  
det in mynem namen / dat wert he juw  
geuen / so gy jdr allene gelouet ) dat dy  
Godt dat herte geue / den lust / de leue / dat  
du dorch en erfüllest syne Gebade / vnde  
dat he dy dorch de Predige des Gōdli-  
cken Wordes / einen rechten leuendigen  
warhafftigen Belouen wolde geuen / de  
dar wercket dorch de leue jegen dynem  
negesten. De drie dinge sind einem Kin-  
de vth Gades heuēl nōdich tho weten /  
alse Christus segt: Sōket thom ersten dat  
Ryke Gades / all ander dinc̄ wat juw  
nodt is tho erholdinge des lyues / wert  
hūplick tho vallen.

Thom andern / Hebbe vader vnde  
moder in ehren / volge en in allen dingen /  
welcker nicht wedder Godt vnde syn hils-  
liges Wort sint / Beschedige se nicht we-  
der mit wōrden noch ock mit wercken / so  
werstu

werstu lange leuen / vnde wert dy wol  
ghan / nicht allene hys tydtlick / sonder ock  
ewig / Dann dat ys Gades gebode / wil  
le vnde ernstlick beuel / Wol auerst verflö  
ket synen vader vnde syne moder / de schal  
steruen mit dem dode / Gene. am 9. Nam  
ward verflöket van synem vader / darum  
me / dat he en bespottet / vnd nicht thoge  
deckt hadde / 2. Samuel. 18. Absalom  
most an einer Eyken erhangen / Darum  
me / dat he synen Vader veriagede / Gen.  
am 49. van Ruben zc.

Thom drüdden / chre dat Older / so  
werstu ock oldt / dann dat ys Gades be  
uel / Leuit. 19. Vör einem grawen hö  
uede sta vp / vnd chre de person des olden /  
vnd hebbe Godt dynen **HEREN** vör  
ogen / Darna chre ock mit grotem vlyte  
dyne Leermeister / vnde hebbe se leeff / sy  
en gehorsam / volge wat se dy heren vnde  
leren / Vnde merck vlytich vp / lath all an  
dere dinge fallen / vp dat du begrypest /  
wat se leren vnde seggen / Ere straffe /  
wordt / siege / schaltu gerne lyden / vnde  
schalt wedder se nicht murren / Dann dat  
wedderreden ys ein teken einer hofferdis  
A in gen

gen vnde hardneckischen natur. Darum  
me schaltu gerne hören dyne Lerer / vnde  
ere lere nicht versmaden / vnd so so gehor-  
sam / fraem vnd rüchtrich syn in erem aff-  
wesen / als in erer jegenwerdicheit.

Thom veerden / beslit dy / darmit du  
dynen guden gesellen in nenerley wysse be-  
schedigest effte hinderst / Dann so du nes-  
mande beschedigest / darffstu nemande  
früchten. Du schalt nemande bespotten /  
noch ock achterreden / dann desse sund vör  
Godt verharet vnde verflöket / Bewyse  
ock nemande weder smae noch schaden.  
Alle dyne kortewyle schölen mit ersamich-  
heit vnde mate gescheen.

Thom vöffren / Holdt dy reenlick in  
alle dynen dingen / am haer / am ange-  
sichte / an der nesen / an den vingern / vnd  
an dem gantzen lyue. Sy schamhafftrich  
alle tydt / dann de scham ys ein gude teken  
an einem Jungen. Alle böse vnde verker-  
de geselschop schaltu flegen vnde vermyn-  
den / Auerst mit denn schaltu waning vñ  
gemeinschop hebben / de fraem / rüchtrich  
vnde warhafftrich syn / nicht spēlers / löge-  
ners / deue / Sonder de dy leren vnd beten  
maken /

maken / Dann du werst euen geachtet als  
fede / mit denn du geselschop heffst.

Thom sösten / Rede weinich / vnde  
felden / Dann beter yffer hören den reden /  
vnd als man segt / Mit stillswygen verres  
det man sich nicht. Vnde wat man dy he  
melick tho verswoigen beuel / dat apenbar  
nicht / dan eine grote sünde vñ ouels vult  
ys / reden / dat men verswoygē schal / Dyne  
rede auerst schal schamhafftrich vnd war  
hafftrich syn / dan Godt hatet de lögener.  
Vnde wenn du mit einem redest / dem du  
ehr ertögen schalt / so vöge dy an syne lin  
kede syde / Mm dyn banich aff / ertöge dy  
nicht trurich / bedröuet / tornich / vnuer  
schemet / föge dyne hende thosamen / vnd  
sta gelyck mit den vöten / vnd sühe den an  
mit dem du redest / Vnde so du vthspier  
wult / effre dy snuuen / so kere dy van dem  
mit welckerem du redest. Idt en steit ock  
nicht wol / de mund apen hebben vñ vp  
sperrren. Dyn lachend sy bescheden / vnde  
nicht lude noch vële / Kleie ock weder dat  
höuet / hende / noch oren / Vnde nicht bes  
wege dyne schēnen nu hyrher nu darhen.  
Haste nicht tho reden / Vnde so du redest /

A uij ante

antwerde mit weinich wörden / Auerst  
vnderschedlick vnde bedülicke sette tho  
samen de wort / Vnd gha nicht wech ane  
orloff / edder beth man dy wech het ghan.  
Also lere wol dyne wort verstandlick / klare  
vnde lancksam vth tho spreken / Werp  
nicht ein jnn dat ander. Vnde so du an eis  
nem huse ankloppest edder anlüdest / so  
kloppe nicht tho hart.

Du schalt mit dynem höuede ehren  
de vörghanden olden / vnde de wat wer  
dicheit vnd anseend hebben / alse erbare /  
frame menner vnde Frouwen / Bözger  
meister / Radsheren / Amptman vnd an  
dere Auerheren / Prester / Predicker / Do  
ctores / Schoelmeister / vnde dergelyken /  
ertöge en ehre / Wyke en vp dem wege /  
Nim dyn banich aff / Auerst dynes gely  
ken schaltu ehrewerdichlick gröten. Dar  
na wenn du vp der straten gheist / so bruck  
nicht einen tho hastigen edder lancksam  
ganck / Werp ock de ogen nicht jnn alle  
straten / auerst mit tapperheit vulende dy  
nen weg. Is dy wat beualen tho dönde /  
do jdt willichlick / vnde richte jdt ordent  
lick vth / vnde hebbe wyder acht / vnde  
merck

merck wat man dy beuelet / Sy auerst  
gröthar in dem jngange vnd vthgange/  
vnde ertöge de ehz/ alse bauen gemeldet  
ys / de jnn dyn hus kamen / entfange se  
fründlick / vnde ertöge dy enen ein frölic  
ken vnde milden Werdt/ edder dene enen  
vnd plege erer mit aller tucht.

Thom söuenden / De arbeit ys eine  
materi der dögent vnde der ehre/ welcker  
de verwerpet / de verwerpet ock de dö  
gent / De arbeit hefft vële in de höge ge  
hauen/ de vuelheit nenen. Darumme er  
giff dy ersamer öuinge vnd guden seden/  
Lere in der jögent dat Latyn / dann ydt  
vëlen tho groten ehren helpet/ ja ock vnse  
ganze lëuen ane kunst vnde gude Sëden  
nichts ys vnd ydel / Flüch den mörich  
ganck alse de vergiff/ Dan mörichganck  
giff kaster vnde alle bösheit. Beslyt dy  
gemeenlick jderman wol tho doende/ Sy  
nicht hastich tho tören / dann torn rich  
tet nichts gudes vth. Sy nicht rachs  
rich/ sunder vergiff vnd verthie. Nödt dy  
vertruwe dyn lëuen nicht dem water/  
dann vële darinne versincken. De drun  
ckenheit schaltu flehen / als eine willige  
A v vnsins

vnfinnicheit / de dem mīnschen syn ver-  
stand vnd vernuffte nīmpet / vnd maket en  
gar einem swyn edder vch gelyck.

Wo sick ein Būd im anuange des Das  
ges holden schal.

**S**O du des morgens fro vpssteiff / heff  
an den anuancē des dages: In dem  
namen des Vaders / des Sōns / vñ  
des hilligen Geistes / vnd beuēle dy Chris-  
sto vnsem Mīddeler vnde Erlōser / mīth  
dem gebēd Vader vnse / Segge em danck  
dat he dy de vergangen nacht / vth gnade  
vnde barmherticheit behōdt vnd beware  
heffte / vōr vūr / vōr sūnden / vōr den listen  
des Dūuels / Vnde bidde en van herten /  
dat he glūckselich maken wolde den dag /  
dy bewaren vōr sūnden / schanden / vnde  
vōr allem quaden / Wente wy staen vp /  
woeten auerst nicht / wo wy vns wedder  
nedder leggen / Vnde leggen vns nedder /  
woeten nicht wo wy vpsstaen. Also gar sine  
wy in Gades hand / willen / schutt vnde  
bescherm. Also balde thū dyne kleder an /  
wūnsche dynen ōldern einen glūckseligen  
dag / Kemme dyn haer / Wassche dyne  
hēnde vnde dat angesichte / Vnd gha vly-  
tich

tich tho dōnde war tho du beropen bist/  
tho der lere in der Schole / thom handt  
wercke in de werckstede.

Wo sich ein Junge tho Dische  
ordenen schal.

**A** Her auerst du tho dische sittest / so  
beredt vñ ordene vōher alle dinck/  
nōmelick water / wyn / beer / Spōle  
ock de drinckscheer / Dat tassellaken legge  
vp / meste / soltuat / schōrtelrinck / tellōr / le  
pel / brodt zc. Dit solcker ordeninge / weñ  
man gegeten heffe / heff ock wedder vp /  
Thom ersten / de tellōr / darna dat soltuat  
ken / rinck / kēse vnd tassellaken zc.

Wenn ein Junge tho Dische denet.

Thom ersten / schaltu strack vpstan /  
vnde mith thosamen gefōgeden vōren  
sorguoldich vpmercken / vnde achtunge  
hebben / vp dat nichts mangle vnd aff  
gha / Vnde so du inschenckest edder dar  
rekest edder vpsettest / dat sūluige do ver  
nufftich / beschedentlick / lancksam / dath  
du nicht getest. Valle nicht in de rede den  
de dar mit einander reden / Wenn du  
auerst gefraget werst / so antwerde kōrt  
lick / Hebbe acht vp de drinckgescheer /  
vermens



vermengen nicht eines vnder dat ander/  
By der nacht auerst breck aff gar eigent-  
lick dem lichte/vñ hebbe acht/dar du mit  
dem stancke der lichtsnoppen nemande  
beledigest/ Vnde wenn du dem lichte aff-  
breckst/lesche jdt nicht gar vth/ Vnd van  
deme dat men vphueet edder behold nas-  
sche nichts daruan / wente dat silue steit  
duel/vñ bringet böse nauolgende frucht,

De Junge / welcher tho Dische sittet/  
holde sich also.

Vnde so du siluen thor raffeln sittest/  
holdt dy na desser ordninge: Snyd vōr-  
hen dyne negel aff / wassche dyne hende/  
sitte vprichlich / vnde sy nicht de erste im  
vate / Drinck ock nicht thom ersten/ Sy-  
metrich / vñ flüch de drunckenheit / drinck  
vnd ett so vële dy nodt ys / wat darauer ge-  
namen wert / geberet franckheit. Wenn  
nu jderman in dat vat gegrepē hefft / tho  
lest gryp ock henin / Vnde so man dy vōr-  
legt / so nim ein deel daruan / dat auerige  
giff em wedder / edder einem andern / de  
tho negest by dy sitt / vñ segge em danck /  
dyne hende schölen nicht lange vp dem  
tellōr liggen / nicht bewege de vōre hen  
vnde

vnde her vnder dem duffche / Vnde so du  
drinckest / wiffche dyne lippen mit wren  
vingern / edder mit einem döckfchen /  
Drinck ock nicht / dewyle du de spyse noch  
in dem munde heffst / Dat angebeten du  
cke nicht wedder in de spyse / Nichte lecke  
de vinger / ock gnage de knaken nicht / A  
uerst mit dem meste snyd idt heraff / nicht  
stockel de tene mit dem meste / sunder mit  
dem tēnyserken edder feddern / vnde holde  
tho gelyck de handt vör den mundt. Dat  
brodt snidt nicht an der borst. Wat vör dy  
ligt / dat ett. Vnde so du vlesch vör dy leg  
gen wilt / do idt mit dem meste / vñ nicht  
mit den vingern. Smecke nicht als eine  
söge auer dem etende. Dewile du est / kleie  
dyn höuet nicht / Reinige ock de snoppent  
vch der nese nicht / Werck ock / tho gelick  
eten vnd reden / steit bürisch / Vnd vaken  
prusten / snuuen / hosten / steit nicht wol.  
Item / wenn du ein ey esse / snidt tho vören  
dat brodt / mack de suedckē nicht tho groet  
edder lanck / vnd süe darup / dat dy nichts  
beneuen affrinne / vñ ett idt balde. De ciec  
schalen thobreck nicht / legge se wedder in  
dat vat / Vnde dewyle du dat ey esse / der  
wyle


wyle drinck nicht. Make dat raffellaken  
edder den lyffrock nicht vnrein / Vnde so  
du pepper züche esset/leckte de vinger nicht.  
Wenn du gegeten heffst / wassche dyne  
hende vnde dat angesichte / Spöle den  
mundt vth / vnde segge Godt loff vnde  
danc / dat he dy also vederlick vnde mil  
dichlick gespyset heffet/dorch Jesum Chri  
stum. Vnde wenn man dy tho drincken  
giffet/so neige dy/vnde drinck beschedent  
lick / Dancke dem/ de dy tho drincken ge  
geuen heffet. Vnde wenn einer mit dy reden  
wil/so sta vp/ ertöge em ehre/vñ hör vly  
sich wat he tho dy segt/vp dat du em mit  
bedacht wedder antwerden mögest. So  
du wat vindest/sy wat jdt sy/vnd wor jdt  
sy/giff jdt wedder / dan jdt ys nicht dyn/  
man bewerdet vaken also einen Jungen/  
wat hinder em stecke/giffstu jdt wedder/  
so makestu dy ein truwen/behelstu jdt/so  
vertruwet man dy gar nichts/dan dat ys  
ein böse teken. Vth dyner rede werstu er  
kant/ wo du im herten bist / darüme nim  
euen war dyner tungen/vnd verachte ne  
mands/so werstu ock nicht veracht/ Bes  
pottte nemands / so werstu ock nicht bes  
pottet/

spottet. Rede niemandes böse / so redet  
man dy ock nicht böse. Neen suel vnnütze  
snack edder vntüchtige rede gha vth dy  
nem munde / als Paulus lert Colo. 3. Alle  
torn / grym / bößheit / sy vern van dy. Alles  
wat du deist / do idt vltlich vnde mit bes  
dacht / so werstu gelauet / Dann Godt de  
im Hemmel ys / süch alle dyne werck / ja  
he süch in dyn herte henin / Wandelstu  
truwelick / so geueld idt Godt / vnd gehet  
dy wol / Wandelstu auerst vntruwelick in  
herten / so wert idt Godt nicht vngestraf  
fet laten / idt geschee gelyck lange edder  
balde / Lere nicht wo du delude bediegen  
schalt / dan̄ dar silue God seer mißgefelt /  
vñ du most Gade eine sware rekenschop  
darumme don. Sy warhafftrich in allent  
dingen / dan̄ nicht öuelers einem jungent  
ansteit dann lögen / Vth lögen kompt ste  
len / vth stelen den strick an de kelen. Gha  
nicht vth dynem huse ane willen vnd wes  
ten dyner öldern edder herrschop / Vnd so  
du werst vth gesand / Kum balde wedder.  
Byff nicht mit dynen gesellen / do neinem  
ledt noch quadt / belüg ock nenen valsche  
lick / Swage nicht vth dem huse noch ock  
darinne /

darinne. Sijc nicht vp ander lide/wat se  
don/reden/edder wo se leuen. Sijstu wat  
einem andern ōuel ansteit / vermyde du  
darsūluige/ Sijstu auerst wat einem wol  
ansteit/vñ gelauet wert/scheme dy nicht/  
volge em na / do em ock also / Vnde wol  
dy straffet mit wōrden/danck em / vnde  
holdt en vōr einen / de dy gudes gūnnet.  
Wo twe hemelick mit einander reden/ga  
du daruan / vnd nicht henthō. Na deme  
richte dyn leuen leue sōn/entholdt dy tom  
lsten van spēlen/vnd beuēl dyn dondt vñ  
leuent Godt/Na des wordt regeet idt/so  
werstu Godt geuallen/ vñ ein Kind vnd  
Erue syn Gades/de gelauet vnd ge  
pryset ock wil syn van den  
klenen Kindern.

Ex  
Bibliothek  
Alte  
Rostock






1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

darinne. Sike nē  
 don / reden / edde  
 einem andern dē  
 darsūluige / Sū  
 ansteit / vñ gelau  
 volge em na / de  
 dy straffet mit v  
 holde en vōr ein  
 Wo twe hemelt  
 du daruan / vñ  
 richte dyn lēuen  
 lsten van spēlen  
 lēuent Godt / V  
 werstu Godt ge  
 Erue syn Ga  
 pryset o  
 Flen

lide / wat se  
 Sūstu wat  
 vermyde du  
 t einem wol  
 ne dy nicht /  
 / Vnde wol  
 k em / vnde  
 des gūnnet.  
 der reden / ga  
 o. Na deme  
 holdt dy rom  
 yn dondt vñ  
 regeet jdt / so  
 in kind vnd  
 et vnd ge  
 n den



*Bib  
 O  
 Rost*